



Nan'ngarijaujuq David Joanasie  
Kavamani Iglumi Hivuliqtı  
Minista Nunalingni Kavamatkunillu Pivikhaqautikkut

Hikutirvja 7. 2022

## **Ministangit Atuqtakhanit**

Halu Minista Joanasié:

Iluaaniituuq titiraqhaq naunairutiqaqhimajuq atuqtakharnik **Ministautilutin Nunalingni Kavamatkunillu Pivikhaqautikkut (CGS) Kavamanmilu Maligaliurvingmi Hivuliqtiuplutinlu.** Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Tunihimaarlutiklu ikajuutikharnik Nunavunmi nunalaangit kavamangitlu qanuqtun hanaqidjutikharnik munaqtiujaangat qajangnairutikharnik atuguminaqtuniklu nunalaangit pidjutikharnik tamainun Nunavunmiunun; unalu
  - Havakhimaarlutik allatqiinggaqut piumaluaqtunik hanaqidjutikhangit hulilukaarutikharniklu naunaijaijaangat ikayuutikharniklu iniqtirutikharnik kavamangit atuqtakharnik Katujiluta.

# HIVULLIUTIJUKHAQ QANURILIURUTIKHAT

Katujiluta ilauhimajuuq hanaqidjutikhantinu hulilukaarutikharniklu tallimaniitunik piumaluagtauiuni:

- Inirninguqtirniq ihumagittiaqtauluni Nunavunmi;
  - Angiklihaqjuummirlugu iglukhaqarnikkut auladjutaa;
  - Pipkainirnianik aanniaqtailinirnun mamiharnirnullu;
  - Pilluaffaarumanirnik iliharnirnun; imaaluu
  - Angiklihaqtirnakkut nunallaaptikni piangaijautikhanik.

Havakhimaliktugut ilaujukharnik upautikhrnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hiviliqtilimaitun kiudjutikharnik tamainik hanaqidjutikharnik piumaluqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikhat hulilukaarutikhangitlu ilitagijauhimajut ataani. Una ilaujuq naunajainiq nalaumadjutikharnik tutqikhaidjutikharniklu hanaqidjutikhat avatingni Nunavut Kavamangit havaqatigijaptingnilu, ihuarutiqaqhimajuni.

Hivuliujuq piumaluaqtajuuq, angirutiqagiikhimajutin havagianganik qilaminuaq hanaqidjutikharnik ukuninga:

- Havaqatigiiklugit havagviit talvani Pivalliaiyuliqiyikkut Ingilrayuliqiyitkullu (EDT), Havaktuliqijitkut, Kiinaujaliqijitkutlu pivalliajaangat qanuriliurutikharnik, havaktakharnik upalungairutikharnik kiklivikharniklu auladjutikharnik nalaumadjutikharnik Nunalingni Kavamatkunillu Pivikhaqautikkutlu (CGS) Pivalliajuliqijikkut Ingilrajuliqijiitkutlu (EDT) (2022-23);
- Pijaangat munaridjutiqaqtun ihuaqhaidjutikharnik aulahimaaqtunik munagivikharnik igluqpangnik (2022-23);
- Havaqatigilugit Havagviat Havagviat Munaqhiliqijikkut (HEA) iniqtigijaangat napaktiqtunik Kivaliirmi Hivutunirmik Munaqhivikharnik iglungit 2023nguqtinani; unalu
- Katimaqatigilugit Nunavunmi Igluliqijurjuatkut (NHC) ikajuutikharnik ihuaqtumik nunat najugainik pivalliadjutikharnik pidjutikharniklu nanmniqaqtunun nunanik pivalliadjutikharnik igluliuqtunut napaqtiginiaqtunik (aulahimaaqtuq).

Ikjajanganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Havaqatigilugit HEAkut qiniqhajaangat pidjutikharnik qiniqhiadjutikharnik napaqtirutikharnik talvani Qikiqtaaluk Kitikmeotmilu hivutunirmik munagivikharnik igluqpangminik (2022-23); unalu
- Havaqatigilugit Nunavut Igluliqiyiryuat (NHC) ihivriuganganik GNkut piutigijaingit avatingnik havakpakhimajaingit atuqtauluangitut tutqugiaqaqtuniklu ihumaginiaqtangit pivalliaffagiaqaqtaingit ikajuganganik amigairjumiqhimajunik igluliqijit piutigijaingit (2023-24).

## **ILAUJUT KIURUTIKHANGIT**

Havaktakharnik taima Kavaman Iglumi Hivuliqt, munagijakhajatin hapkuat:

- Munagidjutikharnik kavamangit havaaqhangit talvani Maligaliurvingmi;
- Ikhivautaujukhaujutin katimajunun Atangujangit Katimajiingit taima malikhautihimaaqtun hanaqidjutikhangit Nunavut Kavamanmi ihivriudjutikharnik; unalu
- Ilauhmaarlutinlu ilaujunun talvnai Angijukhiq Havaktiit Titiraqtingat, taima Ministait Katimajijiujut.

Ihumajunga aulaniaqtutin ihuaqtumik aulahimaarniaqtutinlu havaqatigiikharnik tamainun ilaujunun talvani Ataniit Katimajijiujuni, Ikhivautaq talvani Katimahimaaqtunuk Ilaujunun Katimajiiit, Titiraqtijuurlu Maligaliurvingmi aulatitiqaangat havaktaghajangnik taima Kavamanmi Maligaliurvingmi Hivuliqtiunkut.

Ilaujukharnik talvani atuqtakharnik piumaluaqtainik titiraqhimajut qaangani, kiugiaqaqtutinlu taimaitkuvin:

- Ilaujutlu Ministait Katimajiji Amigairjuminikkut Aalatqiinik Maniliurutikharnik
- Katimajijuut Ministangit Katimajiiit talvuuna Amigairjumirnakkut Iglukhangit Igloqpangitlu

- Katimajiujut Ministangit Katimajiit, Piumaluaqtajunik, Upalungiarnikkut, Havaqatigiirnikkutlu

## HAVAQATIGIIRNIKKUT

Katujjiluta atiinaungituq uvani atuqtakhaptinqiitut. Malikhautikhaq hivunikhaliburutiqahimajuq naunairutiqaqtuq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktiutin piumaluaqtangnik, ajungnairutiqaqhimamajunga taimailiurniaqtugut:

- **Havangniaqtavut Ministangit Katimajiujutlu** aulatitijaangat iliqatigiiktakharnik aturniaqtaqtaptingni;
- **Hviutunirmun akhuqhaidjutikharnik havaqatigiuktukharnik** Nunavut Tunngavikkut Timinga Avikturnirmiitun Inuit Katimajiingit nalautitijaangat hanaqidjutikhaptinqik hivunirmun naunaitumun auladjutikharnun;
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik** talvani kavamanmi havakhimaqtunik ikajuktunun; unalu
- **Tautuktithimaarlutiklu Inuit inuuqatigiinggaqnikkut akhurutigijangit unalu Inuit Qaujimajatuqangit** hanaqidjutikharnik iniqtigijaangat naunaituq hivutunikharnik allanguqtirutikharnik.

Tuglia Atangujatigun kiudjutiqaqhimaqurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimaqut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptinqun.

Pittiarnikkut,

P.J. Akeeagok  
Hivuliqtu Nunavunmun

cc. Jimi Onalik, Tugliuyuq Ministamun Tikkuaqtahimajununlu Katimajiit Titiraqtu, Kavamaliqiiytkunni